



Inatsisartunut ilaasortaq
Lars Poulsen, Siumut
/Maani

Kitsissunnguit pillugit § 37 naapertorlugu apeqquteqaat 010-2025-mut akissut

Asasara Lars Poulsen

Inatsisartut Suleriaasianni § 37, imm. 1 naapertorlugu Kitsissunnguit pillugit Naalakkersuisunut apeqquteqaateqarputit. Apeqqutitit uannit akisassanngorlugit innersuunneqarput.

Allakkat ulluat: 13-05-2025
Suliap normua: 2025 - 9894
Allagaatip ilisarnaataa:
25321422

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

1. Naalakkersuisunut pilersaaruteqarpat, Kitsissunnguani taassumalu eqqaani qeqertani Angissani, Innarsuatsiaani, Niaqornami Saattuarsunnilu upernaakkut sikuernerata nalaani, ukiut tamaasa, teriannianik nungusaasoqartarnissaanik suliniuteqarniarnissaminnut, assersuutigalugu aaqqissuussamik piniarnermut nakkutilliisut tamaaniittut Pinngortitalerivillu suleqatigiissinnerisigut?

Akissut: 2024-mi Pinngortitaleriffik Kitsissunnguani killiffiit pillugit nalunaarusiamik saqqummiussivoq. Nalunaarusiami ilaatigut Kitsissunnguani ingerlatsinissamut nakkutilliinissamullu pilersaarutinik suliaqartoqarnissaa, kiisalu qeqertani ilaatigut teriannissat ajornartorsiutaanerat peqqutigalugu nakkutilliinermut aaqqissuussinermik suliaqartoqarnissaa inassutigineqarpoq. Nalunaarusiaq Pinngortitaleriffiup nittartagaani pissarsiarineqarsinnaavoq, uani: [KITSISSUUNNGUIT statusrapport Tek rap 133.pdf](#)

Kitsissunnguit pillugit Ingerlatsinermut Aqutsisoqatigiinnik atuuttoqarpoq. Aqutsisoqatigiit Kommune Qeqertalimmit, Aalisarnermut, Piniarnermut, Nunalerinermut Imminullu Pilersornermut Naalakkersuisoqarfimmit, Pinngortitamut Avatangiisinullu Naalakkersuisoqarfimmit, Kalaallit Nunaanni Aalisarnermut Piniarnermullu Nakkutilliisoqarfimmit (GFJK) aamma Pinngortitaleriffimmit ilaasortaaffigineqarput. Aqutsisoqatigiit 2024-mi suliassamut pingasunut agguakkamut aningaasaliissuteqartoqarneratigut tapiiffigineqarnissaminnik Jelling Foundation-imut, Aage V. Jensenip Aningaasaateqarfiisa ataanniittumut qinnuteqarput aningaasaliiffigineqarlutillu;

- 1) 2025-mi aamma 2025-mi timmissanik alapernaarsuineq,
- 2) qeqertani uumasut ingerlatsinerlu pillugit meeqqat atuarfianni atuartsissutissanik ineriartortitsineq, aamma

3) GFJK-miit nakkutilliisumik ukiup ingerlanerani piffissani aalajangersimasuni atorfeqartitsineq, umiatsiaq atortullu allat ilanngullugit.

Pinngortitaleriffik 2025-mi aamma 2026-mi juunip qaammataanni Kitsissunnguani timmissanik kisitsinissamik pilersaaruteqarpoq, aammalu atuartsissutitik ineriartortitsinissaq pillugu Ilinniartitaanermut Aqutsisoqarfik oqaloqatigineqarluni. GFJK atortunik pisiniareerpoq, piffissamilu tulluuttumi nakkutilliisussamik atorfinitsitsiniarluni suliaqarluni.

Aningaasaateqarfirmiit aningaasaliissutit 2025-mi aamma 2026-mi suliassanut aningaasartuutitut matussusiisussaapput.

Aqutsisoqatigiit suliassap matuma siuliani taaneqartup atulersinnissaanut suliatic ingerlateqqissavaat, pingaartumillu imeqqutaallat illersorniarlugit ingerlatsinermi suliniutinik nutaanik ineriartortitsissalluni.

Inussiarnersumik inuulluaqqusillunga



Bentirag Ottosen